

Era istòria de Cal Valls

Nòm: _____

Grop: _____

Era conviccion personau d'un joen lo pòrte a crear ua des prumèras empreses d'aliments de cultiu ecologic deth país

Cal Valls ei de celebracion. Aguest 2018 complís 40 ans, ua longa trajectòria ena quau eth projècte a neishut, a evolucionat e a creishut enquia convertir-se ena empresa consolidada qu'ei aué en dia.

Se conèisher era actualitat dera empresa ei captivant, encara n'ei mès descorbir quin ei eth sòn fundador e com e perqué comencèc aguest negòci en un petit pòble de Lhèida, Vilanova de Bellpuig, a on demore damb era sua familha.

Manel Valls ei eth protagonista d'aguesta istòria. Sa pair ère un òme damb clares idees naturistes que lo influencièren de ben joen. Tàs 15 ans trabalhauèra era tèrra de casa e sentie ua emocion especiau quan se dedicaue as trabalhs deth camp.

Eth sòn interès pera agricultura lo portèc a visitar eth sud de França, a on practicauen era agricultura ecologica. Sense sabé'c, aqueth viatge suposarie er inici de Cal Valls.

Un còp en pòble, cultivèc tot tipe d'ortalisses entà vener-les en fresc, mès non auec succès. Alavetz reorientèc era produccion de cara as consèrves, es chucs, etc., que venie en botigues de Barcelona e Manresa, e les repartie damb era sua furgoneta.


En Espanha i auie un gran desconeishment vèrs era agricultura ecologica. Mès tà deuant, dempús d'anar tà fòrça reünions apròp de Barcelona damb d'aves persones que compartien es madeishes inquietuds, amassa damb un amic engenhaire, anèc tà Alemanha tà conèisher era agricultura biodinamica.

Es treballadors d'ua empresa que visitèren heren ua recollèta tà que Manel podesse crompar un concentrador de tomata de segona man e atau elaborèsse productes e les podesse véner. A cambi, Manel les pagarie damb producte dera sua produccion damb un interès baish. Manel encara s'emocione quan rebrembe eth gran gèst d'aqueres persones que heren possible qu'eth sòn projècte hesse un gran pas endeuant.

Cal Valls siguec ua des empreses pionèras en practicar era agricultura ecologica en ua epòca a on non se comprenie aguesta vision e supausaue anar a contracorrent. Pòc a pòc era agricultura ecologica s'introdusic en país enquia qu'er Estat espanhòl lo reconeishec a darrèrs des ans 80, gràcies ath compromís personau de Manel e d'auti agricultors associadi.

Espanha creèc un registre a on recuelhie es finques a on se practicaue era agricultura ecologica, as de Manel les concediren eth registre numèro 1. Mès tard aquestes competències se transferiren as govèrns autonòmics e actuauments en Catalonha les regule eth Consell Català de la Producció Agrària Ecològica (CCPAE).

Cal Valls anèc creishent e damb es ans es tres hilhs de Manel s'an incorporat ara empresa familiar. Ena actualitat eth negòci ei estructurat en diuersi airaus: era produccion agricòla (tomates, cebes, alhs, coges, truhes, horment, etc.), era elaboracion artesanau de consèrves des productes cultivats enes finques e tanben de d'auti agricultors (chucs de fruta, olives, garbansos, mongetes, marmelades, etc.), era comercializacion des productes nomentadi e era distribucion de productes de d'aves empreses des quaus an era representacion.





Eth sagèth de Cal Valls ei era practica dera agricultura ecologica en tota era sua produccion e des de hè uns ans era aplicacion de tecniques dera agricultura ecologica biodinamica. Aguest tipe d'agricultura estúdie era influéncia des astres en solèr e en desvolopament des plantes. Cal Valls compde damb era certificacion biodinamica "Demeter".

De totes formes Cal Valls se diferéncia pera fabricacion artesanau e detalhada de toti es sòns productes entà garantir era maxima qualitat. Era majoria des productes s'elaboren pendent era campanha a compdar de frutes e verdures fresques e dempús s'emmagazinen. Totes es consèrves e chucs son envasats en veire. Es ventes son sustot en Catalonha e Espanha, maugrat qu'expòrten es productes tà uns 10 païsi. Es residus organics que produsís era empresa s'utilizen entà alimentacion animau e entath compostatge e er engrèish des tèrres.

Quaranta ans dempús Manel destaque eth cambi de mentalitat deth consumidor que cada viatge ei mès conscient dera valor dera agricultura ecologica e exprèsse un arregraïment especiau tà toti es treballadors qu'an format part dera empresa e tàs qu'en formen part a dia d'auè. Toti eri l'ajuden dia a dia a milhorar e difóner era sua mission: apropar es aliments ecologics e naturaus ara major part dera poblacion.

Se vòs saber mès informacion sus Cal Valls, consulta era plana web: <http://calvalls.com/index.php/es/>

VOCABULARI E EXPRESSIONS

Pionèr: precursor, que va ath devant en tot daurir camin as auti enes exploracions de naues tèrres, en progrès, etc.

Competència: déuer e dret autrejat pera lei a un organ jurisdiccional, damb exclusion de quinsevolh aute, d'administrar justícia en un cas concret.

Compostatge: procès de formacion de compòst.

Compòst: producte resultant dera transformacion microbiologica controlada, en preséncia d'oxigèn, de residus organics diuèrsi, com ara rèstes vegetaus, palha, hiems, rèstes de minjar, etc., empleat entà humejar era tèrra.

SINONIMS

Captivant: apassionant, interessant.

Registre: inscripcion, matriculacion.

1 AUEM CURIOSITAT

1. Manel Valls avec sòrt de compdar damb era ajuda des treballadors d'ua fabrica alemanda. Cres que era collaboracion e era generositat entre personas e empreses ei ua valor que cau méter en practica? Perqué?

.....

2. Quines son es principaus diferéncias entre era agricultura convencional e era agricultura ecologica?

.....

3. Qué vò díder "anar a contracorrent"?

.....

4. Perqué cres qu'ei de besonh qu'existisque eth Consell Català de la Producció Agrària Ecològica (CCPAE)?

.....